





放尊重些

白水

時評一

善後會議之條例。吾人本不滿意之。然係中山則曾滿意之也。當中山到津時。合肥曾派許世英携所擬條例赴津。請中山發表意見。合肥並準備為盡量之容納。然中山讀完條例。未嘗發出反對之言。雖大體不反對。而字句亦未曾修改也。

泊中山到京。合肥再派許世英。携善後會議條例。再度往其意見。在合肥之尊重中山。吾人猶以為未免過火。因合肥認中山為真正之領袖。一若只要中山承認。無異於四萬萬人民之承認也。中山當二次接讀條例之時。仍無表示。如果中山不以真正民黨領袖自居乎。則不應受政府如此之優待。其發揮意見。亦不過個人之意見而已。其價值尚不如吾人所發行之日報。因吾報尚能代表數千餘人之讀者。而中山之意見。不過代表中山而已。中山若竟不措其詞。以真正民黨領袖自居乎。則何以對於善後會議條例。始終不發一言。將謂同意於該條例耶。則何以有昨之覆電。將謂不同意於該條例耶。則何以有請教。不答一辭。未免不忠於民黨矣。

今距該會議開會。只有旬日。而中山忽然振振有詞矣。無論時間如何。萬不及。即以事實而論。國中現象如此。東南半壁之人民。救死扶傷不暇。試問江西南昌以上之商會工會教育會。正被貴軍閥之所謂北伐軍者。蹂躪得稀爛之時。更有何法。促之選派代表乎。

夫以合肥前席虛懷之日。時間從容不迫之時。二次發言。均減其口。而獨於會議將開之際。強人以事實萬做不到之難題。時間萬不及之苛令。無論中山所主張。儘可待之國民會議。即為善後會議所必須採納之條陳。此時亦祇宜割愛矣。

政府對中山。可謂必恭必敬。曲盡其尊賢容衆之能事矣。為中山者。似應以嘉賓自處。凡自之事。應守相當之沉默。期合於一代偉人之態度而止。若前電所言。似近搗亂。徒損尊嚴。吾人甚為中山不取也。

傳曰時然後言。人其為中山不取也。放尊重些。中山之電。可謂已失時矣。失時之言。即自己不尊重自己也。病榻之旁。安得有林黛玉者。軟語溫存。告此老人曰。放尊重些罷。...

蘇滬戰訊

張宗昌佔領無錫

此次蘇滬之戰。孫傳芳既助齊。齊元之後援已絕。雖以金錢之力煽動其餘。以與盧軍相周旋。而其中之機。早已不戰自敗。盧永祥方面。則乘其攻下鎮江之氣勢。分兵兩路。進迫丹陽。張宗昌部攻左翼。臧治平攻右翼。鏖戰一晝夜。至十八日晨八時。齊部忽然大敗。紛紛向南退却。現張宗昌已將龍潭下湖小泥廠總部。移駐丹陽。再由丹陽督隊前進。逼攻常州。截至前晚為止。滬寧路沿線。自南京至無錫間。已悉歸奉軍占領。同時臧致平則由北路率帶兩軍。趕赴蘇州。以與張宗昌之奉軍。互相響應云。

齊燮元遁入租界

齊燮元自鎮江丹陽相繼失陷後。所部已無門志。齊乃急以若干萬現金運動兵隊。開赴前敵。願以分配不均。軍餉變換。槍擊齊之司令部。齊乃遁入租界。此消息昨日政府已得何豐林來電報告。為之照錄如左。

(上電)齊以金錢運動。昨晚因支配不均。發生譁謬。有少數兵隊。包圍司令部。并有開槍圍攻之事。齊遁入租界。嗣經調停。始獲平靜。其不穩可知。何豐林啟。

鎮江無錫間之浩劫

齊軍自鎮江敗退時。曾將鎮江西山大街飽掠一遭而去。自此沿途搶掠。無錫附近喪失尤鉅。奉軍則尾追迫擊。在奔牛(地名。距武進不及二十里)作戰甚劇云。

京滬間之電報交通

連日來齊燮元力圖劫取上海電報局。該局在租界內。齊軍之進攻。殊費手腳。而局內員生則已相率罷工。商界方面又要求租界工部局。暫代管理。此際京滬電報交通。已不免阻滯云。

張允明敗兵已離滬

張允明敗兵一萬二千名。已於昨今兩日陸續逃出滬。滬上人士。如釋重負。蓋張允明敗後。勢必大肆搶掠。雖然刻下暫可勿憂。但向恐齊燮元不日即將完全失敗。其敗兵不免退至租界邊境。且一般兵士。以饑寒一旅。與盧永祥軍隊同起。似將使時局益趨動亂。中國電報各線。均被割斷。今日已不能與漢口通電云。

張允明自請帶罪贖功

張允明敗退後。不覺野心得復。昨曾有一電致京。內容略謂。此次敗退。實因不慮敵情。致為所乘。除部守守實山。業已重新集合。其未失戰鬥力者。尚有數千之衆。政府倘能許以自新。當可帶罪贖功。以贖前愆。云云。

齊軍槍擊英商輪船

英商太古輪船公司之溫州輪船本月十六日。在鎮江上游七英里。大受槍擊。彈正由船台上飛過。但未射中船身。該船不得已折回南京。

臨時執政令  
江蘇督軍齊燮元。生心肇亂。舉國騷然。前經一隅。受禍尤烈。本執政志切更新。與人為善。僅將該督軍免職。去職後。其悔悟不意該督軍。竟不思悔悟。潛逃再起。既而更不顧國體。重吾民。殊堪痛恨。若不嚴加懲辦。將見亂無已日。民憤難平。齊燮元著即褫奪官職。由京外文武各長官。通飭所屬一體緝拿。解京訊辦。所有齊燮元全通飭所屬。並著概行抄沒。充作賑濟被災人民賑撫經費。以紓民困。而肅紀綱。其餘軍官迫於威勢。情非獲已。不無可原。若能早日悔悟。不深究。此令。

中華民國十四年一月二十日

明令懲辦齊燮元

此次蘇滬亂事。完全為齊燮元一人所主動。政府為息事寧人起見。初不欲過事追究。僅予下令查辦。以促其反省。詎齊氏恬惡不悛。公然自稱總司令。節制進兵。中央至此。自未便再事姑息。致發威信。聞昨日國務會議開會。段執政特將各方面面得齊氏煽動之種種證據。交給大家傳觀。隨即討論懲處方法。結果決定三項。(一)褫奪齊氏官職。(二)由京外文武官吏。通飭所屬。一體緝拿。解京訊辦。(三)齊氏所有私產。著一律抄沒。充作蘇省被災人民撫卹經費。以上三項。包括一明令。昨晚業已交局發表。茲為照錄如左。

蘇滬問題慎勿再誤

此次齊燮元之再起。吾人早料定其必敗。因勢成弩末。軍心不固。餉械兩缺。而與情不附。則為其敗之總因。今齊氏又遁入租界矣。竊以為政府此時。對付蘇滬問題。有亟須進行者一。有不可姑息者二。

前此徐樹錚欲繼續永祥有所活動。滬領團立逼。離滬上海。並派探護送徐氏出洋。其對徐態度之嚴重。幾於絲毫不能通融。齊燮元此次用兵。全以上海租界為根據。領團竟默不發言。亦不加干涉。致有二次之兵禍。今無錫常州一帶。齊部潰兵。大肆搶掠。糜爛地方。損失殆以千萬計。此皆滬領團租界應負之責任也。吾人對於此節。已主張應由外交部向英美駐使提起嚴重抗議。並質問滬領團對於徐樹錚與齊燮元之處置。何以顯示區別。而徐樹錚與齊燮元之賄賂。究竟外交部署曾否提起抗議。尚不可知。今齊氏又因兵變為二次之遁入租界。滬領團今日應稍有覺悟。

昨日執政閣議之要案  
對齊燮元決定下令懲辦  
對滬法團決定充分容納

武漢冬防之嚴重

漢口電。蕭督辦本日召集武漢各軍官。開秘密會議。協議舊歷年末特別警戒問題云。又自吳佩孚來漢後。南北各方而人物往來甚繁。難免有不良分子。乘機其間。特命嚴重警戒云。

真光  
五花月  
咳  
華樂園  
三慶園  
廣和樓  
廣德樓  
城南遊園  
慶樂園  
市站出京  
東站來京







